

اوا تان پروشی نیویشرو مضمونین کھوارو نیویشیکو بہتر کوریکو بارا لوو دیتی اسیتام۔ ہیہ آخری چھورو قسطہ تان مشورو دومان کی مہ خیالہ ہمی طریقان سورا عمل کوری اسپہ تان زبانو نیویشیکو مزید جم کوریکو بوسی۔ اوا تان رایو آخر نو جاشومان ہموغار جم تجویز کی ہائے اسپہ سورا لازم کی ہتو سورا عمل کوسی۔ کھوار نیویشیکو جم کوریکو بچین مہ تجویز ہمیت شینی۔ جو غیچھی "ہ" (aspirated): اردو نیویشیکو اصولو مطابقہ ہیہ "ہ" کیاوت دی لفظو شروعہ نوگوئے۔ کوریکو ہیہ تان غیژی کیہ ہواز نو بلکہ ہیہ خور لفظو سوم بیٹی ہواز دوئے۔ کیچہ کی پھ، کھ، چھ، چھ، پھوست، کھوشٹ، چھان وغیرہ۔ مگم اسپہ کھوار نیویشاک ہمو بوزیاد لفظان شروعہ استعمال کورونیان، کیچہ کی ہوست، ہیہ، ہون، مگم صحیح ہیہ بوئے کی ہے جو غیچھی 'ہ' ہو ژاغا اسپہ ای غیچی 'ہ' استعمال کوروسی، مثلاً ہوست، ہیہ، ہون۔

'ہ' اگر کی لفظو اولہ ہائے تھے پیس ای غیچی 'ہ' ہوازو دوئے۔ ہے صورتہ ہو نارمل اندازہ نیویشیلیک کیچہ کی اردو زبانہ ہوا، ہاتھی، ہاتھ وا کھوارہ ہون، ہنون، ہوست وغیرہ

'ہ' اگر کی لفظو آخرہ ہائے وا ہو سورا زور کی گیاؤ اوشوئے ہو جو غیچی 'ہ' سور نیویشونو بوئے۔ کیچہ کی کھوارو لفظ پوچھ، تیچھ، پاچھ وغیرہ

'ہ' اگر کی لفظو آخرہ ہائے مگم ہو ہواز پورا نو اوشوئے وا ہے سورا کی زور نو گیاؤ اوشوئے تھے ہو خیق 'ہ' سورا نیویشین بوئے۔ کیچہ کی کھوارہ اسپہ، تہ، ہیہ، اردو پیسہ، روپیہ وغیرہ۔

'ہ' لفظو آخرہ گیتی تان نارمل ہوازو کی دیاؤ اوشوئے ہو ایتو چاکئے نو بلکہ آزاد نیویشین بوئے۔ کیچہ کی کھوارہ: راہ، واہ، دوہ، گراہ وغیرہ۔ (ہیہ 'ہ' استعمالو اردو زبانہ ای تسلیم شدہ اصول، ہو اسپہ دی ہے قسمہ تان قبول کوریلیک بوئے)۔

توری دیرو ایغار (اولار) گانی پونجہ پت کیہ مسئلہ کھوارو نیویشیکا کی شیر، ہو صرف ای علاج شیر (واکھوار نیویشیکو مسائلان بارا ترویو قسطہ لو بیٹی شیر) پیس ہیہ کی اسپہ اولانیتی ای لفظو نیویشیکا متفق بوسی اچی ہورو سف ای بیٹی ای طریقہ نیویشی معاشرہ رائج کوروسی۔ صرف ہیہ صورتہ اسپہ نیویشیکو معیار صحیح بوئے۔ ہے بارا اوا تان رایو دیک ہیہ مشکیم کی کیہ لفظو کیہ قسمہ نیویشین بوئے رے۔ مہ خیالہ کیہ اشناری کی اسپہ نیویشیکا رائج بیٹی شینی یا زیادہ نیویشاک نیویشینیان پیغار مطلب ہیٹ رواج غیری شینی۔ ہیٹان ہے قسمہ تان نیویشیسی وا کا کی ہیٹان خور اندازہ نیویشی اسونی ہیٹان املو غلطی جاشوسی۔ ہیہ، تہ، مہ، اوا، تو، کیہ، ہسے، ہیٹ، ہتیت، پیس، ہمی اکثر نیویشاک ہمی لفظان ہموش نیویشی اسونی۔ اسپہ سف ای بیٹی ہمیتان ہموش نیویشیسی وا کا کی ہمی لفظان خور قسمہ نیویشیتائے ہتو املو غلطی جوشی اصلاح کوروسی۔ علامت مصدر (infinitive)، کازیٹیو (causative) ہے سو متعلقہ اشناری کیاغ کی شینی ہیٹان ای جدولو اندرینی وضاحت کوری اسوم وا کوشش کوری اسوم کی ہیٹ کیہ قسمہ نیویشونو بیلک۔ کوشش کوری اسپہ سف موژی دیرو ہمی مثالان خیالو لاکھی ہمیتان ای قسمہ نیویشیسی۔

Stem + inflection	علامت	روٹ + انفلیکشن (اصل + اضافہ)
Infinitive root+ ik	یک	کوریک، لوژیک، دوسیک، کار کوریک
root+ayk Casutive	ٹیک	کورٹیک، لوژٹیک، دوسٹیک، کار کورٹیک
root+elik Necessitive	ٹیلک	کورٹیلک، لوژٹیلک، دوسٹیلک، کار کورٹیلک
Imperfective Participle	او	کوراؤ، پوشاؤ، لوژاؤ، دوساؤ
imperfective Oblique Participle	اوا	کوراوا، پوشاوا، لوژاوا، دوساوا
Perfective participle	ی	کوری، پوشی، لوژی، دوسی
Desiderative nominal root+aru	ارو	کورارو، پوشارو، لوژارو، دوسارو

Past participle root +ro or du	رو، دو	کور یرو، پوشیرو، لوژ یرو، دوسیرو کار دو، بوغدو، ژوردو، پار دو
Passive Participle root+nu	ونو	کورونو، پوشونو، لوژونو، دوسونو
Passive Participle 2 root+in	ین	کورین، پوشین، لوژین، دوسین
Agent+Noun root+ak	اک	کوراک، پاشٹیاک، لوژاک، دوساک

توری ہے دیرو مثالان سار اچی مزید ہے لفظار انفلیکٹ (word inflected) بیتی کیہ الفاظ کی ساؤز بونیان بیتان دی اسپہ ہموش تان خیالو لاکھی اوصولان مطابقہ کی نیویشیتام تھے کھوارو نیویشیکا اسپتے مزید اسقانی بوئے۔ ہے الفاظان مثال دی موژی بیہ ٹیبلو اندرینی دیتی شینی۔

کور ایک	کورا کو	کورا کان	کورا کانتے	کورا کوتے / کورا کوتین
لوژیک	لوژا کو	لوژا کان	لوژا کانتے	لوژا کوتے / لوژا کوتین
دوسیک	دوسا کو	دوسا کان	دوسا کانتے	دوسا کوتے / دوسا کوتین
کار کوریک	کار کورا کو	کار کورا کان	کار کورا کانتے	کار کورا کوتے / کار کورا کوتین
کوروم	کورمو	کورمان	کورمانتے	کورموتے / کورموتین
بوخت	بوختو	بوختان	بوختانتے	بوختوتے / بوختوتین
موش	موشو	موشان	موشانتے	موشوتے / موشوتین

### ہومونیم (Homonym) الفاظ وا بیتان استعمال

گوم (گندم)	ہومونیم (Homonym) ہتے الفاظ کہ ہتیتان نیویشیک دی ای قسمہ تلفظ دی ای قسمہ مگم معنی مختلف لاکھونی کیچہ کی کھوارہ ہے مثال ظاہر کورونیان کی ہمی لفظان بچے کیہ خور نشان لیگٹیکو ضرورت نکی، ہمیتان کیہ لوو یا نیویشیرو جملو موقع محلو (context) مطابقہ ہوش کورین بوئے۔ ہمیتان ایوال ایوالیو سار فرق کوریکو بچے خور خور کی نیویشیتام ای خور لوٹ مسئلہ ساؤز بوئے۔ ای کما دوستان رائے دیتی اسیتانی کی بیتان بچے الگ الگ علامت لاکھونو بائے رے مگم بیہ کیہ جم طریقہ نو بوئے۔ بیت جملو استعمالو سورہ ہوش کورونو بونی۔
گوم (آونگا)	اوا چھوچی گوم، اوا گوم لیمان،
پونگ (پاؤں)	مہ پونگ چھاموران، اوا چھیترو پونگہ گیتی اسوم۔ ہموش الفاظ ہر زبانہ شینی۔
پونگ (نیچے لوکیشن یا ڈائریکشن کے لیے بھی استعمال ہوتا ہے)	
موژی (زیرین)	
موژی (کے نیچے)	
بس (enough)	
بس (ٹھہرنا/رات گزارنا)	
مس (چاند) مس (مہینہ)، رینی کتا، رینی کہیں گے۔۔ وغیرہ غیرہ	

زیر زبر پیش (diacritics) حرکات کورہ استعمال کوروسی

<p>مہ تجویز بیہ کی اسپہ ہر ای ژاغا کی حرکاتان استعمال کوری کی                  اہی گانیتام اسپہ نیویشیک بو ژوچ بوئے وا اسپہ نیویشیکا وخت                  دی بو گانیر وا موجودہ وختہ کمپیوٹرہ نیویشیکا دی پیس بو                  مسلہ بوئے۔ ہیغین دیتی اسپہ تان کھوار نیویشیکا زیر زبران کمار                  کم استعمال کوروسی مگم بو ہش لفظ اسپہ کھوارو شینی کی                  ہتیرا اسپہ حرکات استعمال نواریتام اسپہ لفظو ریکا مسلہ بوئے۔                  ہیغین دیتی ہش ژاغین اسپہ یقیناً زیر زبر استعمال کوریلک                  بوئے۔ ہتیتان موژار ای کما الفظان ہیا نیوشیمان کی بیہ صورتہ                  اسپہ حرکاتار غیر کیہ گنجائش نکی۔</p>	بوم (زمین)
	بوم (کر سکوں گا)
	شوت (کھٹا)
	شوت (قسم/حلف)
	چوٹ دیک / نقطے لگانا
	چوٹ دیک (قلم لگانا)

سٹریس (stress) کھوارہ

<p>سٹریسڈ حرف/ہواز/لفظ ہسے کی ہتو سورہ زور بوئے ادائیگیو وختہ۔                  انفرادی لفظو صورتہ کی لوژیتام لفظ ای بوئے مگم انداز ادائیگیہ ای                  سلیبلو (syllable) سورہ زور بوئے۔ ہے زور لفظو مطلبو تبدیل کوروئے۔                  ہموش لفظ ہر زبانہ شینی کی ہتے زبانین سٹریس شیر مگم نیویشیکا                  ہو بچے کیہ نشان نکی مگم ہو ہر ای نفری چیچھیلیک بوئے کی کیہ                  لفظو کیہ سیلیبیلو سورہ زور شیر وا کیوالیو سورہ نکی۔ کھوار زبانہ دی                  ہش لفظ شینی کی ہیرہ سٹریس معنیو تبدیل کورویان مگم اسپہ                  ہمونہ پت ہے بچے سٹریسو نشانو استعمال نوکوری اسوسی۔ اولانو مثالہ                  لفظو اولانو سلیبلہ سٹریس شیر۔ جوؤا جوؤا سلیبلہ شیر۔ جوؤا مثالہ دی                  ہش تان وا انگریزو مثالہ دی اولانو لفظہ سٹریس اولانو سلیبلہ شیر وا                  جوؤا لفظہ سٹریس جوؤا سلیبلہ شیر مگم ہیتان بچے کیہ نشان نکی۔ مہ                  خیالہ کھوار نیویشاوا دی سٹریسو بچے نشان لیگٹیکو کیہ ضرورت نکی۔                  پیس جملو وا لفظو موقع محلو سورا واضح بوئے کی ہیرا کیہ مطلبہ ہے                  لفظ استعمال ہیتی شیر۔</p>	توری
	توری
	شالی
	شالی
	بیڑو
	بیڑو
	'conduct (N)
	con'duct (v)

شارٹ واویل اوچے لانگ واویلان (short and long vowel) استعمال

<p>کھوارو نیویشیکا عموماً واویلان ژینگٹیکو یا نو ژینگٹیکو (vowel length)                  سورا دی الفاظان مطلب بدل بونیان۔ پھوک خیال کوری ہے مشکلو آسان                  کوروسی۔ کورا کی شارٹ واویل استعمال بونیان ہیرا اسپہ ای واؤ استعمال                  کوروسی وا کورا کی لانگ واویل استعمال بویان ہیرا اسپہ جو واؤ کی استعمال                  اریتام اسپہ نیویشیک واضح بوئے وا راکو بچین کیہ مسلہ نو بوئے۔ ہے                  قسمہ مطلب دی بو آسانیو سورا ہوش کورو کو بوئے۔ اوا ای کما مثال دیتی</p>	کو (کیون)
	کوؤ (کرو)
	بو (زیادہ)
	بوؤ (جاو)
	ڈوک (بچے کو)
	پیٹھ پر اٹھانا)

اسوم۔ ہش کندوری دی کی خور الفاظ شینی بیتان نیویشاوا دی بیہ اصولو	ڈووک (ڈھلوان)
اپناؤ کی اریتام تھے اسپہ نیویشیکو معیار جمارجم باؤ گوئے۔	کوسی (چل کر)
	کووسی (کرینگے)
	دون (دانت)
	دوون (گھی)

مرکب الفاظ (کمپاؤنڈ ورڈز)

کمپاؤنڈ ورڈ ہتے لفظ کی ہتیت جو لفظ ای	غوڑی بمبور / غوڑی بمبور
بیتی ای مطلب دونی۔ ہش قسمہ لفظ ہر زبانہ	آن پوشی / آپوشی
شینی بیتان نیویشیکو طریقہ دی ہر زبانہ	
مختلف ہونی۔ ہے لفظان اسپہ کھوارہ کیہ	گوردوغ کارو / گوردوغکارو
قسمہ نیویشیسی۔ ہو دی ای قسمہ کی	
نیویشیتام اسپہ نیویشیکو طریقہ مزید جم ہوئے	بوخت بوغوزو / بوختبوغوزو
وا ہے لفظان مثال دیتی شینی۔ مہ خیالہ اسپہ	
اولانو طریقو مطابقہ کی نیویشیتام اسقان وا	تروپ چائے / تروپچائے
عام فہم دی ہوئے۔ کوریکو کی بیت جو لفظ، جو	تت باشی / تتباشی
لفظان غیڑی غیڑی کی نیویشیتام اسقانی	
کوئے۔	

کھوار نیویشیکو بہتر کوریکو بچین اصول ساؤزیک وا املو ای قسمہ کوریک وختو ضرورت شیر۔ اصول ساؤزیکو بچین ای اوو ہمیشہ یاد لاکھیلیک ہوئے کی قاعدہ یا اصول ای لفظو بچین ساؤز نو ہوئے۔ اصول بو الفاظان بچین ساؤز ہوئے۔ ہے موڑی ای کما اشاری ہش دی ہونی کی ہتیت ہے اصولو موڑی نوگونی وا ہتیتانتے استسنی حاصل ہوئے۔ ہش الفاظ ہر ای زبانہ شینی۔ بیہ اسپہ کھوار نیویشاکان سورا فرض کی اسپہ تان زبانو نیویشیکو بچین ای قاعدہ ساؤزیسی وا املو غلطیان سار پاک کوسی۔